



COMUNU DE ARRIORA

Provintzia de Aristanis

C.A.P. 09070 - *Bia Umberto I* n. 16 - tel. 0783.410219 - P.I.: 00070490958
e-mail: protocollo@pec.comune.riolasardo.or.it / protocollo@comune.riolasardo.or.it

Servìzius Sòtziu Assistentziali **Servìzius Sotzialis**

AVISU PÙBLICU

Aprovau cun detèrmina n. 80 de su 03.07.2020

INTREGU RECHESTAS DE ISCRITZIONI
A IS SERVÌTZIUS DE ISTADI PO IS MINORIS
CHI TENINT SA RESIDÈNTZIA IN SU COMUNU DE ARRIORA
E RECHESTA *BONU SERVÌTZIU*

- ANNU 2020 -

Art. 1 - AMMINISTRATZIONI:

Comunu de Arriora, Bia Umberto I n. 16 – 09070 Arriora - tel. 0783/410219 – indiritzu situ internet www.comune.riolasardo.or.it, PEC: protocollo@pec.comune.riolasardo.or.it;

Art. 2 - OGETU

s'Accreditamentu est una forma de gestioni, chi ponit in contu s'art. 38 de sa L.R. 23/2005 "Sistema integrau de is servìtzios a sa personi. Abrogatzioni de sa L.R. n. 4/88. Ordinamentu nou de is funtzionis sòtziu-assistentziales", chi ponit in contu, in mesu a totu is formas de gestioni de is servìtzios, cussa non dereta po mesu de sugetus acreditaus, chi incapitat a manera prioritària cun sa cuncessioni, de parti de s'enti titulari de is funtzionis de gestioni, pedendi-ddu s'interessau, de titulus bàllidus (bonus) po comporai servìtzios sotzialis. S'Accreditamentu favoressit sa centralidadi de su Tzitadinu-gosadori e est deretu a assegurai unu livellu artu de calidadi de is servìtzios.

S'Unioni de is Comunas Costa de su Sinis Terra de is Gigantis, cun delibera de sa Giunta n. 12 de su 17.06.2020, at aprovau is linias de inditu po atacai cun su Sistema de Accredimentu po is servìtzios de istadi po minoris. Cun detèrmina n. 16/AM de su 03.07.2020 ant publicau su **Catàlogu** de is sugetus acreditaus a fruniri servìtzios.

Su Comunu de Arriora, cun delibera G.C. n. 46 de su 22.06.2020 at pigau parti a su sistema e at decidiu su tanti de su **Bonu Servìtziu** a solu, chi est una contribuzioni a su costu de su servìtziu.

Sa tarea generali est cussu de donai valori a su tempus scapu, afortiai s'oferta de is servìtzios de istadi po is famìllias con minoris, portendi a su mellus resursas e costus. Is servìtzios torranti me in is àmbitus temàticus chi s'ghint:

- De giogu discansosu/agregativu;
- Sport, movimentu e socializatzioni;
- Viàgiu e scàmbiu interculturalis.

Su **Catàlogu** de is sugetus acreditaus e de is propostas chi pertocat si podint scarrigai de su situ www.unione.costadelsinisterradeigiganti.or.it e/o si podit castiai in s'albu pretòriu in lìnia de su situ de su Comunu de Arriora o in sa biblioteca comunali.

Art. 3 – SUGETUS BENEFICIÀRIUS

Is **beneficiàrius** funt is minoris **chi tenint sa residèntzia in Arriora chi faint parti de sa fàscia de edadi de 5 a is 14 annus**, chi in s'istadi ant a podi gosai de servìtzios diferentis (de giogu, sport e de recreu), de durada diferenti (a sa dii, a sa cida, a su mesi, a sa stasoni).

Su sistema bolit favoriri su sviluppu de unu sistema chi torrati paris a is abisòngius diferentis de is famìllias, po su prus in s'istadi, tenendi contu de su prus chi praxit me in is servìtzios diferentis, in chistioni de tareas (de giogu, de sport e de recreu), de durada diferenti (pagu cidas o totu s'istadi o mesu giorronada, totu sa cida o a dintedii) e de modu de cuncordai (es. residentziales o mesu residentziales).

Art. 4 – MANERA DE S'ISCRIRI E FRUNIMENTU DE SU SERVÌTZIU

Totu is minoris chi torranti is sa fàscia inditada asuba s'ant a podi **iscritti** po gosai de is servìtzios:

- **cun òneris a càrrigu insoru**, inderetura avatu a is sugetus acreditaus e postus in su **Catàlogu** po fruniri su servìtziu e segundu sa manera chi cussu ponit a craru;
- **cun su riconoscimentu de su Bonu Servìtziu** assotziau a su gosu de is servìtzios de istadi, chi is critèrius funt innoi elencaus in òrdini de prioridadi:
 - a) sugetus in càrrigu a is servìtzios sotziali e chi ddus at sinnalaus, po chi ant intregau rechesta;
 - b) cunforma a su nùmeru de is fillus de su nùcleu familiari chi torrant in sa fàscia de edadi intra de 5 e 14 annus stabilendi ca po su primu fillu sa mesura est de su 70% mentras po is àterus fillus su bonu servìtziu at a podi ammantai su 50% de sa spesa;
 - c) cunforma a s'òrdini de arribu candu is resursas postas a disponimentu no abisòngiant a ammantai su fabisòngiu necessàriu.

Is chi non funt beneficiàrius de su *Bonu Servìtziu*, ant a podi gosai a su pròpiu cun òneris a càrrigu insoru.

Una borta acabadas is proceduras de seletzioni su Comunu de Arriora at a lassai a su *beneficiàriu*, chi at a ai intregau rechesta crara de partecipazioni a s'atividadi scerada, su *Bonu Servìtziu* apostada de usai in mesu de is Operatoris acreditaus in su sistema e postus in su **Catàlogu**.

S'at a incurai su destinatàriu de ammostai a s'Operatori chi donat su servìtziu acreditau su riconoscimentu de su beneficiu aparendi su *Bonu Servìtziu* chi dd'at lassau su Comunu.

Su destinatàriu si òbrigat a currispundi a s'Operatori chi donat su servìtziu acreditau seberau s'importu chi si depit in duas bortas: unu accontu paris a sa cuota contributiva chi si depit, chi giai iat stabiliu su Comunu de Arriora, fadendi s'iscrizioni a su servìtziu e su saldu candu acabbat su servìtziu donau, apustis chi su Comunu donat su *Bonu Servìtziu*. Su Comunu de Arriora at a podi cuncordai atòbius cun is interessaus, candu ddu bolint, po ammostai su progetu e strumbullai s'utèntzia a fai su seberu de s'operatori po intrai a su servìtziu.

Sa **rechesta de riconoscimentu de su Bonu Servìtziu** s'at a podi intregai aintru de **s'ora de sa 1:00 de meigama de su 10 de trèulas de su 2020** segundu una de custas maneras, impreendi unu modellu allegau:

- andendi inderetura a s'ufitziu protocollu – Bia Umberto I n. 16 – Arriora, de sa ora de is 10:00 a sa ora de sa 1:00 de meigama de su lunis a sa cenàbura;
- mandendi-dda cun PEC a s'indiritzu protocollo@pec.comune.riolasardo.or.it, cun ogetu **“Rechesta riconoscimentu Bonu Servìtziu”**, de una PEC chi torrat a unu genitori, chi est aici tocat a dda firmam su chi fait rechesta a firma digitali o eletrònica calificada, o, cunforma a s'art. 38, comma 3, de su D.P.R. n. 445/2000, tocat de nci mandai còpia a imàgini de s'istàntzia chi firmat s'interessau impari a sa còpia a imàgini de su documentu de identidadi suu.

Art. 5 - VERIFICA PO AMMITI IS RECHESTAS

Is rechestas, arrcidas in su tempus chi ponit in contu s'art. 4 de custu Avisu, s'ant a valutai segundu is critèrius stabilius cun sa delibera inditada asuba. Is cuntrollus s'ant a podi fai a campioni po is rechisius chi decrarant is chi faint rechesta.

Art. 6 - INFORMATZIONIS

Acuntessendi preguntas o rechestas, si depint mandai sceti a sa casella de posta eletrònica: servizisociali@comune.riolasardo.or.it, s'avisu est publicau me in is situs web de s'Unioni de is Komunus Costa de su Sinis Terra de Gigantis e in s'albu pretòriu in lìnia de su Komunu de Arriora. Sa Responsàbili de su Procedimentu est s'Ass. Sotziali D.ssa Maria Eleonora Marongiu.

Art. 7 – Manìgiu de is datus

Is rechestas intregadas tocat de dadas acumpangiai, a pena de essi lassaus foras, de dekrarazioni crara de su chi fait sa rechesta de autorizazioni a manigiai is datus personalis (segundu a su chi ponit in contu su Decretu Legislativu N. 196/2003 “Còdixi in matèria de protetzioni de is datus personalis” e mm.ii. afatantis e art. 13 de su Regulamentu UE 2016/679 GDPR).

Arriora, 03.07.2020

SA RESPONSÀBILI DE SU SERVÌTZIU

Ass.Soc. D.ssa Maria Eleonora Marongiu